



**БУХОРОДАГИ ТУРКМАНЛАРИНИНГ АЬНАВИЙ ТУРАР
ЖОЙЛАРИ ВА УНДАГИ ЗАМОНАВИЙ ЎЗГАРИШЛАР**

Тўраев Анвар Исмоилович,
Бухоро давлат университети Жаҳон тарихи кафедраси
киттати ўқитувчи

Аннотация. Мазкур мақолада Бухоро воҳасига кўчиб келган туркманларнинг турар жойларини қуришида табиий-географик шароитни инобатга олиниши, уй жойлар учун ишлатилган анъанавий материаллар, ўзига хос меъморчилик услуги, уйларнинг жиҳозланиши, хўжалик биноларининг бир-бирига боғлиқ ва фарқли жиҳатлари, туркманларнинг хўжаликдаги машғулотлари, касб-корлари билан турар жойларнинг ўзаро боғлиқлик томонлари бирламчи манбалар, дала тадқиқотлари ва адабиётлар таҳлили орқали ёритиб ўтилган. Анъанавий турар жойларнинг замон талаблари асосида ўзгариб бориши, уй-жойлар билан боғлиқ анъана ва урф-одатлар кабилар ҳам ушибу мақолада очиб берилган.

Таянч атамалар: қўриқ ва бўз, ирригация – мелиорация, гувала, кашта, лой сувоқ, қора уй, омборхона, айвон, марҳона, чўл-адирлар, ер гумма, кигиз босиши, шўртоқ, зах, сизот сувлар.

**ТРАДИЦИОННЫЕ ПОСЕЛЕНИЯ ТУРКМЕН В БУХАРЕ И
СОВРЕМЕННЫЕ ИЗМЕНЕНИЯ В НИХ**

Тураев Анвар Исмаилович,
Кафедра “Всеобщей истории” Бухарского государственного
университета
старший преподаватель

Аннотация. В данной статье рассмотрены природно-географические условия при строительстве поселений туркмен, переселившихся в Бухарском оазисе, традиционные материалы используемые для жилищ, архитектурный стиль, оборудование жилищ, связанные и различные стороны хозяйственных построек, обсуждается деятельность туркменов в хозяйстве, занятия и места жительства, выделяются взаимосвязанные аспекты с помощью первоисточников, полевых исследований и по обзорам источников. В статье также раскрываются изменения традиционных жилищ исходя из требований времени, традиций и обычаяев.

Ключевые слова: целина, ирригация – мелиорация, гувала, кашта, глиняная штукатурка, черный дом, склад, крыльцо, склад, пустыни, холмы, земля, изготовление войлок, осолённая земля, сырость, поймы.

**TRADITIONAL SETTLEMENTS OF TURKMEN IN BUKHARA AND
MODERN CHANGES IN THEM**

Turaev Anvar Ismailovich,
Department of «General History» of the Bukhara State University
Senior Lecturer

Annotation. This article discusses the natural and geographical conditions during the construction of settlements of Turkmen who settled in the Bukhara oasis, traditional materials used for dwellings, the architectural style, equipment of dwellings, related and various aspects of outbuildings, the activities of Turkmen

in the economy, occupations and places of residence are discussed, interconnected aspects through primary sources, field studies and reviews of sources. The article also reveals changes in traditional dwellings based on the requirements of time, traditions and customs.

Keywords: virgin land, irrigation - land reclamation, guvala, kappa, clay plaster, black house, warehouse, porch, warehouse, deserts, hills, earth, felting, salty earth, dampness, floodplains.

Кириш. Ҳар бир халқнинг шу худудда яшаб келаётган бошқа халқлардан ажратиб турадиган фарқли жиҳати, бу уларнинг кийим-кечаклари, туар жойлари, уй-рўзғор буюмлари ва бошқа моддий маданияти билан боғлиқ ҳисобланади. Халқларнинг моддий маданиятидаги ўхшаш ва фарқли жиҳатлар аҳоли истиқомат қилаётган худуднинг таббий-географик шарт-шароитига, хўжалик машғулотларига ҳам боғлиқ бўлади. Қадимда туркманлар турмуш тарзи асосан кўчманчи ёки ярим кўчманчи, XIX охири XX асрлар бошларидан эътиборан уларнинг миграцион мобиллиги ошди. Чор Россияси ва Бухоро амирлиги ўртасидаги зиддиятли муносабатлар ҳамда хўжалик ҳаётини замон талаблари асосида ташкил этишга интилишлар аҳоли ўтроклашувни таъминланган асосий омиллардан бири ҳисобланади.

Адабиётлар шарҳи. Бухоро худудига XVI асрдан бошлаб табиий, иқтисодий, сиёсий омиллар таъсири натижасида қўчиб келган туркманларнинг хўжалик машғулотлари, туар жойлари бугунги кунга қадар илмий жиҳатдан кам ўрганилган. Шу сабабдан, бу мавзуни тадқиқ этишда туркманлар яшаб келаётган қишлоқларда олиб борилган дала тадқиқотлари асосий манба вазифасини бажаради. Қолаверса, бирламчи манбалар, интернет материаллари, хукумат томонидан қабул қилинган хукуқий-меъёрий хужжатлар тўпламларни ҳам ўз навбатида мавзу мазмунини ойдинлаштиришга хизмат қиладиган манбалар сирасига киради.

Тадқиқот методологияси. Ушбу ишда туркманларнинг анъанавий туар жойларининг замонавилашув жараёнлари қиёсий таҳлил қилиниб, тарихий воқеаликлар хиранологик кетма-кетлик орқали ёритилиб ўтилди. Шунингдек, этносоциологик (сўровнома, кузатув ва сухбат) усуслардан кенг фойдаланилди.

Таҳлил ва натижалар мухокамаси. Тарихдан маълумки, аксарият ҳолларда аҳоли бориб қўним топган манзилларда хўжаликда дехончилик ва чорвачилик қилиши учун етарли имкониятлар-куртоқчилик, ерларнинг қўриқ ва бўз бўлиши, ирригация - мелиорация тизимлари мавжуд бўлмаслиги таъсирида туркманларнинг мажбурий кўчишларига заруият туғилди. Бундай ҳолатни кўп бошидан кечирган туркманлар қурадиган уйларида доимо яшаб қолмасликларини англаган ҳолда уй қурилишига кўп ҳам куч ва маблағ сарфлашни истамаганлар. Шунинг учун, Бухоро воҳасида яшаган туркманларнинг анъанавий уйларининг кўриниши худуддаги маҳаллий аҳолининг уйларига нисбатан оддий, бир ёки икки хонадан, пастқам (уйнинг кўриниши паст) бўлиб, асосан пахсадан, ғишт (хом ғишт), гуваладан бўлиб, шароити етмаган аҳоли кўпинча каппа уйларда яшаганлар. Каппа уй қакра қамишдан тўқилган бўлиб, икки томони сомон сувоқ қилинган, ўтирадиган жой эса қалин лой сувоқ билан қопланган бўлган[1].

Воҳа туркманларининг анъанавий уйлари уларнинг хўжалик машғулотлари билан боғлиқ ҳолда қурилганлигини кўришимиз мумкин. Ўтроқ турмуш тарзida яшаётган аҳоли шу ерлик маҳаллий аҳоли вакилаларининг уй-жойларининг кўринишига мос ҳолда қурган бўлсалар, чорвачиликни касб қилиб олган



туркман оиласлари ўтов уйларда истиқомат қилиб келганлар.

Одатда, Бухорода ўтроқ ҳолда яшаб келган ахоли анъанавий уйларини қуришда табиий, арzon, кам харажатли бўлишини ҳисобга олиб, тупроқ-лойдан қурилган пахса уйларда истиқомат қилишни афзал билганлар. Пахса уйларнинг ўзига хос қулайлик ва афзаллик тарафлари бўлиб, биринчидан, бундай уйларни қуришда маҳсус уста ҳунармандарга эҳтиёж сезилмаган, иккинчидан, эса қиши фаслида иссиқ, ёзда эса салқин бўлган, учунчидан, эса мустаҳкам ва пишиқ бўлиб, узоқ йиллар мобайнида истиқомат қилиш имконини берган. Асосан, бундай уйлар қуришда маблағ кўп талаб қилинмаган бўлсада, лекин меҳнати бирмунча оғир бўлган. Пахса уйларнинг баландлиги 1.8 метрдан 2 метргача бўлиб, том қисмида туйнук очилиб, совук вақтларда уй ўртасида ёқилган оловнинг тутуни шу туйнуклардан чиқиб кетган[9.68.]. Бугунги кунда Бухорода бундай пахса уйлар нисбатан кам қурилсада, илгари бунёд бўлган бу турдаги уйлардан ахоли кенг фойдаланиб келаётган бўлиб, асосан омборхона сифатида яъни, хўжаликга тегишли меҳнат қуроллари, дон ва ортиқча сабзовот маҳсулотларини сақлашда фойдаланадилар.

Қўчманчи туркман чорвадорларининг асосий вақти чўл-адирларда ўтган бўлиб, улар кўчириш осон бўлган кўчма ўтовларда (қора уй) яшаганлар. Ҷўпонлар бир ҳудудда бир ҳафта ёки ўн кун қолсалар кейин эса, бошқа чорва ўтлайдиган жойларга кўчиб ўтганлар. Чунки, ўша ернинг ўт-ўланлари тугаб бўлгач, улар янги ўтлоқ манзилгоҳлар излашга мажбур бўлганлар. Шунинг учун ҳам чўпонлар доимий яшаш учун уй курмаганлар. Ўтовлардан кўп ҳолларда чорвадорлар ёзги яшаш жойи сифатида фойдаланиб келганлар. Бундай уйларнинг асосини ёғоч устунлар ташкил қилиб, ички қисмида ёз фаслида қамишдан тўқилган буйра, қишида эса, кигиз мато тўшалган ҳолда истиқомат қилганлар. Уйнинг яшаш жойи цилиндр шаклида бўлиб, уй йигиладиган ёғоч панжаралардан иборат бўлган. Ўтовлар қор ва ёмғирлардан, чанг тўзондан эскириб, қорайиб кетиши оқибатида улар ҳам қора уй деб аталган[11.21.].

Чўлдаги туркманларга тегишли уйлар ёз фаслида иссиқдан, қишида совукдан, довул, чанг-бўронлардан ҳимояланиш билан бирга, чўлдаги ҳашоратлардан чаён, калтакесак, сичқон, судралиб юрувчи илонлардан сакланувчи ҳимоя қўрғони сифатида мартхона деб номланган уйлардан ҳам фойдаланганлар. Бундай уйларни тиклаш осон бўлиб, уйни асосини чўлда кўп учрайдиган қалин тиканли ўсимлик (чакиш) ва тупроқ ташкил қилган. Уй деворларини қуришда бир қат тиканли ўсимликлардан, бир қати эса тупроқ билан тўлдирилган ҳолда бўлиб, бундай уйларнинг ўртасида олов ёқиб исинганлар. Чакиш ўсимлигининг тиканлари ўткир ва тикис жойлашганлиги учун тиканлар орасидан зааркунанда ҳашоратлар уй ичига кира олмаган[2]. Чорвадорлар бундай турдаги уйлардан ёз ва куз фаслларида кўп фойдаланганлар. Чунки, чўл-адирларда бу даврда ҳаво ҳароратининг исий бориши туфайли, кўплаб ҳашорат ва илонлар ернинг юза қисмига чиқа бошлиши натижасида, чўпонлар ҳаётига хавф-хатар тугдирган. Ҳаво ҳароратининг совиб бориши муносабати билан улар ўтовларга кўчиб ўтганлар.

Чўпонлар яшаб келган мартхона ва ўтовдан фойдаланиш XX аср бошларигача давом этиб, кейинчалик бундай уйларнинг ўрнини, бир жойдан иккинчи ҳудудга кўчириб олиб юриш учун мўлжалланган гилдиракли вагон уйлар, хом ғиштдан қурилган ёки давлат томонидан қуриб берилган бетон уйларда яшаганлар. Қишлоқ жойларда яшаб келган аҳолининг аксарият уйлари ва хўжалик бинолари XX асрнинг 50-60 йилларигача хом ғиштдан ёки пахсадан

курилган. Бундай турдаги тураг-жойлар қанчалик мустаҳкам бўлса ҳам 9 балли зилзилага бардош бера олмаган[11.83.]. Бухорода 1976 йилда юз берган зилзила оқибатида қўплаб аҳоли вакилларининг яшаб келаётган уйлари вайрон бўлган ёки турли ҳолатларда зарар кўрган. Яна шунингдек, табиий ҳодисалар юз беришини ўйлаган ҳолда аҳоли иморатнинг асосини ёғочдан, ҳар томонлама мустаҳкам бўлиши учун қўш синчли қилиб қура бошлаганлар.

Пахса уйларга нисбатан синчли уйларнинг хоналари сони бирмунча кўпроқ бўлиб, бундай уйларни қуришда оила аъзоларини сони этиборга олинган. Аҳоли қиши фаслида совуқ кунлар кўп бўлишини инобатга олган ҳолда уйларни паст ва истиқомат қиласиган хоналарини кичикина қилиб, уй ўртасида бўйи ва эни бир хил 80 см келадиган сандал жойлаштирганлар. Анъанавий тураг жойларда яшаб келган ҳар бир хонадон вакиларини уйларида сандал мавжуд бўлиб, унинг устуга кўрпа ташланган ва сандал теварагида оила-аъзолари қўл-аёкларини иситганлар ва кечқурин умумий кўрпага ўраниб ётганлар.

Деҳқонлар томонидан куз фаслида йигиб олинган сабзовот, полиз, боғдорчилик маҳсулотларини қишида совуқда музлашидан асраш учун Бухорода баъзи уйларни остида ертўласи ҳам бўлган[7.85.]. Туркманлар уйларидаги бундай ярим ертўла қисмини “ер гумма” деб юритганлар[3]. Лекин, воҳадаги уй-жойларнинг ҳаммасида ҳам ертўла қисми мавжуд бўлган деб бўлмайди, чунки, биринчидан, ертўла аҳоли истиқомат қилиб келаётган уйнинг остки қисмida жойлашгани учун, хонани иситиш бирмунча қийин кечган, иккинчидан, Бухоро ҳудудидаги аксарият ерлар шўртоқ бўлгани учун деҳқонлар қиши мавсумида далаларни шўрнини ювиш мақсадида камида уч мартағача ерни суғорганлар. Бунинг оқибатида ернинг юқори қисмiga сизод сувлар чиқиб турган ва бу ўз навбатида уйнинг ертўла қисмida сақланаётган озиқ-овқат маҳсулотларни қиши фаслида совуқ уришига, баҳорда эса ҳаво ҳароратининг исий бориши натижасида бундай маҳсулотлар истемолга ёроқсиз ҳолга келиб қолишига олиб келган. Бугунги кунда бундай кўринишдаги ертўлалардан туркман аҳолиси деярли фойдаланишмайди. Уларнинг ўрнида кўпроқ хўжаликда етиштириладиган дон, арпа, сабзовот, боғдорчилик, полиз маҳсулотлари ҳамда деҳқончиликда зарур бўлган меҳнат қуролларини сақлаш учун хом ғишт ёки ёғочдан тикланган омборхона уйларидан кенг фойдаланиб келмоқдалар. Ўзига тўқ хонадон эгалари эса, тураг жойларининг ертала қисмини замонавий кўринишда ернинг устки қисмida тик бетон ёки пишган ғишт орқали қураётганликларининг гувоҳи бўлишимиз мумкин.

XX асрнинг 30-40 йилларида Бухорога кўчиб келиб, ўтроқ турмуш тарзини танлаган туркманлар уй жойларни қуришда, географик жойлашув, қуёшнинг йўналиши, иқлимга қараб ёзги хоналарни шимолга қаратиб курган бўлсалар, жанубий томонларда қишиги хоналар қуришга катта эътибор берганлар. Шунингдек, уй қуришда диний одатларга ҳам амал қилинган ҳолда, меҳмонхона эшигини қибла томонга қаратиб курмаганлар. Уйга келган меҳмон қибла томонини осон топиш учун ўша тарафига токча ва уйнинг тепа қисмiga туйнукча ўрнатганлар. Туркманлар уй-жойларининг ўзига хос ажralиб турадиган жиҳати ҳар бир ҳовлида айвон бўлган[6.131.]. Айвон соябон вазифасини бажариб, қишида уйни совуқдан ёзда эса жазирама иссиқдан сақлаш билан бирга, уйга кириб чиқиши ўйлаги вазифасини ҳам бажариб берган. Асосан, бундай иншоатларни қуришда биринчи ўринда табий-иқлим шароити яъни, оила аъзолари яшайдиган жойни совуқдан, шамолдан, довулдан сақлаш мақсадида айвонни уйга нисбатан пастроқ қилиб курганлар. Чунки, аксарият туркман оилалари истиқомат қилиб



келган худудлар кенглиқ, бир тамони дашт билан бөглиқ бүлгандылығы сабабли, киши ойларида ёғындарчылық, кор-бүрөнли күнлар күп бўлиши айвонли уйларни куриш эҳтиёжини келтириб чиқарган [4].

Бухородаги турар жойлар XX аср ўрталаригача ёғоч маҳсулотлар кириб келгунинг қадар, уйнинг ички пол қисмига хом ғиши ётқизилиб, усти лой сувоқ қилинган. Шунингдек, айрим туркман ахолиси яшаб келган худудларда намгарчылыкнинг күп бўлиши сабабли пахса уйларнинг ички қисмидан 30-40 см гача тупроқ қазиб олинниб, тўқайларда, чўл ва ариқ бўйларида табиий ҳолда ўсадиган [12] бутасимон ўсимлик жангл тиканин келтириб уй ичиға тўшаганлар ва унинг устидан қалин сомон сувоқ қилганлар. Жангл тикан нам, заҳни ўтказмаган, чиримаган, шунинг учун, бундай усулдан кенг фойдаланилган.

Туркманларнинг ота-боболари хўжаликда чорвачилик билан машғул бўлганларни учун уларнинг авлодлари ҳаётида XX аср ўрталаригача дехқончилик билан бир вақтда ўзлаштирилмаган қуруқ ва бўз ерларда қўй-эчкилар бокиб келганлар. 1929-1939 йиллар давомида ҳукумат томонидан ўтказилган жамоалаштириш сиёсати натижасида, Бухородаги туркманларнинг кам сонли ахолиси чорвачилик билан банд бўлган бўлсаларда, ўз навбатида чорвачилик уларнинг моддий маданияти бўлмиш турар жойларига ҳам ўз таъсирини ўтказмасдан қолмаган. Жумладан, туркманлар истиқомат қиладиган уйларида нам ва заҳ ўтишидан ўзларини ҳимоялаш мақсадида, қўй жунидан таёрланган мустаҳкам бўлган кигиз тўшаб ўтирганлар. Уни таёрлаш қўл меҳнати орқали амалга оширилган бўлиб, қўй жуни толасини бир-бирига бирикиши учун узоқ вақт уни тирсак орқали урганлар. Кигиз босиш машаққатли иш бўлишига қарамасдан, туркманлар ўз хонадонлари билан бирга, кўшни маҳаллий ахоли вакиллари уйлари учун ҳам кигиз таёрлаб берганлар. Шунингдек, қиши күнларида уйнинг остонасининг кириш йўлагига қўй ёки эчки териси тўшаб қўйганлар. Маҳаллий шароитда аёл ва қизлар қўй ва эчки жунидан ип йигириб, улардан бежирим гиламлар тўқиганлар. Бу гиламлар ўзининг сифати билан бошқа худудда таёрланган гиламлардан қолишибмаган. Гилам тўқишидаги ўзига хос сир-асрорларни ёшлар тажрибали узоқ вақт шу соҳа билан шуғуланиб келган моҳир туркман ҳунармандларидан ўрганганлар. Бухорода яшаб келган туркманлар билан қушни Туркменистан ССР даги туркманлар ўртасида ўзаро қавм-қариндошлик алоқалари мустаҳкам бўлиб, улар шу касб эгаларидан гилам тўқиши сирларини бориб ҳам ўрганганлар.

Когон туманидаги Сорғун, Паракти, Сурхиён, Оқчамамат, Бухоро туманидан Янги турмуш МФЙ қарашли қишлоқларга XX аср 30-йиларида кўчиб келган туркманларнинг аксарияти Қашқадарё вилоятининг Помиқ туманидаги чорвадор ахоли вакиллари бўлган. Кўчиб келган туркманларнинг авлодлари хўжаликда чорвачиликни касб қилиб олганларни сабабли, улар ҳам худуддаги шўртоқ, заҳ, сизод сувлар чиқиб турадиган ерларда қўй ва қора молларни XX асрнинг ўрталаригача бокиб келганлар. Туркманларнинг аксарият аёл ва қизлари ўтган асрнинг 70-80 йилларгача ўтирадиган уйлари учун гилам тўқиганлар.

Туркманларнинг ҳар бир хонадонида истиқомат қилиш учун уйлар билан бирга хўжаликда зарур бўлган тадирхона, омборхона, чорва моллари учун молхона, ёз ва куз ойларида далалардан йиғиб-териб келинган ўт ва самонни қишидаги қор ва ёмғирли күнларда чиришини олдини олиш мақсадида самонхона қурганлар. Хўжалик биноларини ҳам турар жойлар сингари табиий иқлим ва ўзига хос қулайлик томонларини инобатга олган ҳолда қурганлар. Жумладан, кўп сонли туркман ахолиси тандурхона, молхонанинг олд қисмини қуёш

нурлари тушадиган, омборхонани эса аксинча у ерда сақланаётган хўжалик маҳсулотлар сифати йўқотмаслиги учун шамол эсиб турадиган шимол томонга қарататиб қуриш урф бўлган. Туарар жойга туташ бўлган омборхонага нисбатан тадирхона ўт ёқилганлиги учун узоқроқда жойлаштирилган бўлиб, XX асрнинг 70-80 йиларигача қўп хонадонларда алоҳида тандирхона қисми бўлмаган. Тандур қуришда кенглик жой танланиб, қишининг совук, ёғингарчилик, ёзниг жазира кунларида ҳам нон кўчада ёпилган[5]. Бугунги кунда тандирхона ошхона билан бирга ёнма-ён ҳолда, яшайдиган уйга яқин масофада қурилаётгалигини кўришимиз мумкин. Сабаби, аҳоли сонининг кўпайиб бориши натижасида қурилаётган янги туарар жойларнинг жами ҳовли ерининг ўлчами 6 сотик бўлиб, шу ерда уй, молхона, омборхона, тандурхона қуриш яхши бир анъанага айланди[8.76]. Ҳозирда туркманлар яшайдиган қишлоқлардаги уйлар ҳам шаҳардаги каби бир хил кўирнишда яъни кўча ҳолатида қурилиётганини ўз навбатда тандурхона, молхоннинг олд томонини истакларига кўра қуёшга ёки киблага қаратиб қуриш айрим уй эгалари учун имконсиз ҳисобланади .

XX аср бошларидан уй-жой қуриш ва уни жиҳозлаш анъаналарига бир оз янгиликлар жорий этилди. Дастреб пишган ғиштдан уй қуриш, тунука билан том ёпиш, деразаларга ойна солиш ва кўча томонни очиш каби янгиликлар оддий хўжаликларда пайдо бўлади. Керосин, кейин электр лампаси, фабрика ва заводларда ишланган уй-рўзгор буюмлари ишлатила бошлайди. Қишлоқ уйларида ҳам анча янгиликлар пайдо бўлади, айниқса, қурилиш материалилари ва услубида кўпгина ўзгаришлар рўй беради[7.148.].

Бугунги кунда маҳаллий ўзбек, тожик аҳолиси билан биргаликда туркманлар ҳам янги уйга кўчганлари шарафига “уй тўйи” қилиб, бу маросимга хонадон вакилларининг қавм-қариндошлари, қўни-қўшнилар ва қишлоқнинг нуронийлари чақирилади. Даструрхонга ноз-неъматлар қўйилиб, кексалар қўлларини дуога очган ҳолда, қуръондан тиловат қиладилар. Уй тўйида катнашаётган ушбу хонадонга яқин бўлган меҳманлар ўзлари билан бирга имкониятларидан келиб чиқган ҳолда мебель, гилам, ошхона жиҳозлари, идиштоворқ ва бошқа уй-рўзгор буюмларини тўёна сифатида олиб келганлар. Ҳозирда аксарият “уй тўйи” га келган меҳмонлар, қўни-қўшнилар томонидан ўзаро пул йиғилиб, замонавий музлатгич, телевизор ёки бошқа буюмлар сотиб олиниб, ҳадя қилининади ёки тўпланган пул хонадон егасига берилади.

Туркман хонадонларида бугунги кунда уй-жой билан боғлиқ айрим урф-одат, анъаналар сақланиб келаётганини гувоҳи бўлишимиз мумкин. Жумладан, қизнинг туйи бўладиган куни ота уйидан чиқиб кетаётганда, отаси яшайдиган уйнинг остонасига миннатдорлик рамзи сифатида берган тарбияси ва ҳалол рисқ бериб вояга еткизгани учун отасининг тиззасига уч маротаба бош қўйиб, сўнг бўлажак турмуш ўртоғининг уйига кетади.

Хуллас, инсоният тарихига назар ташлар эканмиз, ҳар бир муҳит ўзининг яшаш шароити билан боғлиқ ҳолда ажralиб туради. Бухоро туркманларининг ўзига хос локал туарар жойлари бошқа халқларнинг туарар жойларидан бир оз фарқ қилиб келган. XX аср ўрталаридан уйни тахтали пол қилиш, томни шифер билан ёпиш бошланди. Кейинчалик икки қаватли уйларнинг қурилиши жуда кенг тарқалди. Бухоро туркманлари турмуш тарзида янгича уйларнинг қурилиши бу соҳада туркман миллий маданиятининг йўқолишига олиб келган. Бугунги кунга келиб туркманларнинг аксарияти замонавий туарар жойларда истиқомат қилиб келмоқда, десак хато бўлмайди.

Фойдаланилган адабиётлар рўйхати



Дала ёзувлари. Бухоро вилоят, Бухоро туман, Чоррача қишлоғи. 2022 йил
Дала ёзувлари. Бухоро вилоят, Ромитон туман, Ҳофизи работ қишлоғи.
2021 йил.

Дала ёзувлари. Бухоро вилоят, Ситораи Мохи-Хосса М.Ф.Й., Махтумқули
кўчаси. 2022 йил

Дала ёзувлари. Бухоро вилоят, Ромитон туман, Ҳофизи работ қишлоғи.
2022 йил.

Дала ёзувлари. Бухоро вилоят, Бухоро туман, Ипакчи қишлоғи. 2022 йил.

Doniyorov A., Bo‘riyev O., Ashirov A. Markaziy Osiyo xalqlar etnografiyasi.
—Т.: “Nif Mish”, 2020. —В. 323.

Жабборов И. Ўзбеклар. —Т.: “Шарқ”, 2008. —Б. 311.

Искандаров Ш. А. Ўзбекистон Араблар эномаданий идентиклигининг
шакилланиши ва трансформацияси. Тарих фан.докт. ...дисс. — Тошкент, 2019.
—Б. 188.

Толстова С.П., Жданко Т.А., Аброзона С.М., Кислякова Н.А. Народы Средней
Азии и Казахстана. Москва, Издательство академии наука СССР, 1963. —С. 153.

To‘uchiye N. Bino va inshoatlar kanstruksiyasi. —Т.: “Voris” 2010. —В. 240.

Эгамберганова М. Ж. Хоразим воҳаси туркманлари этномаданий ўзлигини
англаш: анъанавийлик ва трансформацион жараёнлар (тарихий-энологик
тадқиқот). Тарих фанлари бўйича фалсафа доктори (PhD) диссертацияси
автореферати. — Ургач, 2022. — Б. 55.

Чинғил.https://n.ziyouz.com/books/uzbekiston_milliy_ensiklopediyasi/O'zbekiston%20Milliy%20Ensiklopediyasi%20-%20Ch%20harfi.pdf (27.11.2022
й) санасида ҳаволага мурожаат қилинди.